



# SARAJEVSKI OTVORENI CENTAR

Predsjedništvo Bosne i Hercegovine  
n/r. predsjedavajućem Predsjedništva BiH Draganu Čoviću  
Adresa: Maršala Tita 16

Tel: + 387 33 567 550  
Fax: +387 33 206 563

[dopis sadrži ukupno 2 stranice]

Sarajevo Open Centre  
Sarajevski otvoreni centar  
Čekaluša 16  
BiH - 71000 Sarajevo

Email office@soc.ba  
Tel: +387 33 551000  
Fax: +387 33 551002

Emina Bošnjak  
*Rukovoditeljica programa  
Sarajevskog otvorenog centra*  
Email: emina@soc.ba

08.09.2015.

**Predmet: POZIV ZA POKRETANJEM I/ILI PODRŽAVANJEM INICIJATIVA IZ  
OBLASTI ZAŠTITE LJUDSKIH PRAVA ŽENA I RODNE RAVNOPRAVNOSTI U  
BOSNI I HERCEGOVINI**

Poštovani,

Sarajevski otvoreni centar, nezavisna, nestranačka i neprofitna organizacija koja promoviše ljudska prava LGBT osoba i žena u društvu, zagovara za promjene legislative i politika vlasti u Bosni i Hercegovini, te primjenu postojećih politika kod bh. vlasti i međunarodnih tijela, pozdravlja to što je Predsjedništvo BiH na redovnoj sjednici prihvatilo i poziv predsjednika Narodne Republike Kine Xi Jinpinga i glavnog sekretara Ujedinjenih nacija Ban Ki-moona, upućen Vama, predsjedavajućem Predsjedništva Bosne i Hercegovine, za sudjelovanje na susretu svjetskih vođa o rodnoj ravnopravnosti i osnaživanju žena: opredjeljenost za akciju (UN Women), koji će biti održan u New Yorku, 27. septembra ove godine.

Žene u Bosni i Hercegovini se još uvijek suočavaju sa diskriminacijom i sa nejednakim mogućnostima pri pristupanju i ostvarivanju svojih prava u odnosu na muškarce. Formalno zakonodavstvo i javne politike koje se odnose na zaštitu prava žena u Bosni i Hercegovini znatno su se poboljšale tokom proteklih godina. Kreiranje Zakona o ravnopravnosti polova (2003. i 2009. godina sa usklađenom verzijom iz 2010. godine), te novi Gender akcioni plan (2013. - 2017.) na državnom nivou (usvojen u septembru 2013. godine); rodna kvota od 40% uvedena je u Izborni zakon BiH (april 2013.), a kreirane su i nove odredbe na entitetskim nivoima i javnim politikama za prevenciju i borbu protiv nasilja u porodici. Uz sve ovo, Bosna i Hercegovina je potpisala i ratificirala sve važnije međunarodne dokumente iz oblasti ljudskih prava žena, uključujući i Konvenciju Vijeća Evrope o prevenciji i borbi protiv nasilja nad ženama i nasilja u porodici (Istambulska konvencija) 2013. godine. Međutim, istinske promjene u praksi su veoma spore; žene ostaju bez mogućnosti uživanja ljudskih prava kako u privatnoj tako i u javnoj sferi, a dijalog i partnerstvo između vlade i nevladinih organizacija za

unapređivanje i zaštitu ljudskih prava i dalje su daleko od zadovoljavajućeg i na njima se treba još dosta raditi.

Što se tiče ključnih problema sa kojima se žene u Bosni i Hercegovini suočavaju, kao i konkretnih preporuka za njihovo rješavanje, preporučujemo Vam da pogledate *Godišnji izvještaj o stanju ljudskih prava žena u Bosni i Hercegovini u 2014. godini* (izvještaj je dostupan i na našoj web stranici: <http://soc.ba/godisnji-izvjestaj-o-stanju-ljudskih-prava-zena-u-bosni-i-hercegovini-u-2014-godini/>), koji su Fonadacija CURE i naša organizacija objavili ispred Ženske mreže BiH.

Smatramo da ste prihvatanjem učešća na ovom veoma značajnom događaju pokazali volju za integrisanje principa rodne ravnopravnosti u svim oblastima i na svim nivoima vlasti u našoj zemlji, te Vas tom prilikom pozivamo Vas da pokrenete i/ili podržite inicijative da se:

- uvedu obavezne kvote za oba spola u izvršnoj i zakonodavnoj vlasti, tako da od 2018. godine ni jedno tijelo nema manje od 40% manje zastupljenog spola;
- poveća ekonomska aktivnosti žena, tako da se učešće žena na tržištu rada povećava svake godine za minimalno 3%;
- osnuje Javni fond za dječiju zaštitu FBiH, po uzoru na sličan fond koji postoji u Republici Srpskoj;
- podrže i u potpunosti implementiraju aktivnosti predviđene Okvirnom strategijom za provedbu Istanbulske konvencije o prevenciji i borbi protiv nasilja nad ženama i nasilja u porodici u Bosni i Hercegovini za razdoblje 2015-2018.

Nadamo se da ćete prepoznati važnost rješavanja ovih pitanja, te da ćete naše prijedloge uzeti u obzir.

Srdačan pozdrav,

Emina Bošnjak,  
*Rukovoditeljica programa,*  
*Sarajevski otvoreni centar*

Kontakt osoba:

Dalila Mirović  
*Programska koordinatorica,*  
*Sarajevski otvoreni centar*

Mail: [dalila@soc.ba](mailto:dalila@soc.ba)  
Tel: + 387 33 551 000